



Balthasar Clammer à teneris annis operam literis dedit, atque hinc inde varias academias visitans, magnam eruditionem sibi comparavit. In primis autem Iuri civili operam dedit, atque Licentiati gradum publice ob uirtutes meruit. Accedebat etiam singularis facundia, & in rebus agendis dexteritas. Itaque Ernestus optimus dux Luneburgensis eum suum Cancellarium elegit, atque in rebus maximis ipsum in consilium adhibuit. Hinc factum ut huius Balthasari & D. Forsteri uirtute suam ditatem pacifice administrarit, atque solius Dei gloriam & subditorum salutem unice quaesierit. Erat etiam ob uitae integritatem is non

tantum suo, sed etiam alijs principibus gratissimus, ut ut eius praesentia negotia intricata facile explicarentur, & magna prudentia finirentur. Unde Balthasarus merito inter illustres Germaniae uiros connumerari debet. Floruit autem potissimum anno Christi millesimo quingentesimo, & quadagesimo, Phil. Mel. in Ernest. Luneb.